

DISPUTATIO ACADEMICA
POENITENTIAM
ETHNICORUM,
Secundum Principia Philosophiæ
proponens;

Quam

ADFULGENTE JEHOVÆ LUMINE,
Et Suffragante Ampliss. FACULT. PHIL.
in inclita ad Auram Academia,
SUB PRÆSIDIO,
Adm. Rever. & Celeberrimi Viri.

DN. JOHAN Wunster/

Philos. Pract. & Histor. Prof. Reg.
& Past. in Lund fidelissimi.

PRO PRIVILEGIIS ac HONORIBUS PHILOS.
obtinendis,

*Publicæ eruditorum censura, modeste
committit*

ANDREAS LUSCINIUS,
Helsingf. Nyl.

In Auditorio Superiori & Maximo, ad diem,
(DEO volente!) 8 Maii, A. 1707.

Exc. Jo. WAL.

Non satis

In D E U M
&
R E G E M

Summa Fide Viro,

Diœcesios Wiburg. EPISCOPO
Eminentissimo,

Consist. Eccles. ibid. PRÆSIDI
Gravissimo.

Regii Gymn. & Schol. EPHORO
Magnificentissimo.

*Reverendissimo in CHRISTO
PATRI ac DOMINO,*

D N. DAVID CUN^W

S. S. Theologiæ DOCTORI
Consummatissimo.

MÆCENATI & PATRONO, pio re-
verentiaæ zelo ætatem pro-
seqvendo,

*Vite prorogationem;
& cœlestis Favoris auram devot^z
adprecor!*

Cum venit O PRÆSUL! facies placidis:
simæ nobis,
Submissis oculis conspicienda Tua;
Nos subit istius quoque tunc affectus
imago,

Qua studiis deditis usq; favere soles;
Usq; favere soles; queis mens & plena
voluntas,

Est prodesse bonis, atq; sacrata DEO.
Hinc ego nec vereor parvis in lusib; hisce,
Nomina Aaronis pingere magna meis.
Domihi te facilem! quam spes bene fota
benignam

Promisit fortē; me, Jove dante, manet.
Sors facilis memet; sed Te comitabitur
aura

Quæ nebulas pellit, tristia fata fugat.
Alme Deus meætis, tu qui solatia confers
Pectoribus, refove corda secata modo!
Ah reprimas precor O! duri tentamina
Martis!

PRÆSULIS & releva grāde doloris onus!

Sic hoyer

Reverendiss. in CHRISTO Patrie

humilimus cliens
Andr. Luscinius.

VIRIS, Eruditione, dignitate, & meritis;
Adm. Rev. ac Praclarissimis;

DN. M. ARVIDO ALOPÆO, Eccles.
Borgoënsium Pastori longe dignissimo, ad-
jacentiumque Præposito adcuratissimo.

DN. M. ANDREÆ HEINRICIO, cœtus
qui in Randasalmi DEO colligitur, Pastori
meritissimo, & districtus adsitarum Ecclesia-
rum Præposito attentissimo.

DN. M. ERICO DAHLMAN, Mora-
lium & Hist. Lectori in Reg. Gymn. Wib.
solertissimo.

DN. M. MAGNO ALOPÆO. Lect. Ma-
them. ibidem dignissimo.

DN. M. GUSTAVO BRODZENIO,
Scholæ Helsingforsensis Rectori inclyto.

Mæcenatibus, Patronis, atq; Fautoribus
meis honoratissimis;

Rerum omnium, præcipue in vocationis viis
gerendarum, successum, fideliter com-
precor; & disputationem hanc gradua-
lem, præproperū sanè & tumultuarium
opus, in debite observantie tesse-
ram, dedieat & offert,


V. V. A. A. N. N.

addictissimus cliens

Auth. & Relp.



§. I.



rduum sanè molimur nē-
gotium, dum Ethnico-
rum pœnitentiam, sistere
animis cordatorum spe-
ctandam, contendimus.

Unde, ne in Scyllam incidamus decli-
nantes Charybdim, caute admodum vi-
am ingrediamur. Neque e. consultum
esse ducimus illis ad stipulari, qui omni-
modam principiorum nobiscum nato-
rum extenuationem propugnant. Ari-
stotelico more, Συρτήγησιν, ratam, vel con-
suetudine exarataam esse tabulam, dicti-
rantibus. Illis autem omnino refragari
nos decet, qui paganorum conci-
entiæ stimulum usque adeo extollunt,
ut immediate per hanc suam pœniten-
tiā, fingant eos potuisse in thronum
DEI involare. Saniorum Ethnicorum
relictis experimentis; Sacrae quoque

Scripturæ adsertis hoc aperte adverfa-
tur. Summus namque gradus virium
post lapsum reliquarum, tam quoad fa-
cultatem cognoscendi, quam appetendi
subsistit & finitur in generali & indefi-
nito proposito inquirendi verum DEUM
eumque competente modo colendi; ut
autem hoc propositum in motum &
executionem ducatur, horum non
pertinet neque extendit se illud in ho-
mine post lapsum reliquum; quod pateret
ex Rom. 1. 19. 20. Act. 14. v. 17. & 17. 27
collatis cum Rom. 1 v. 21. cap. 3. v. 4. 9.
10. Quæ itaque in favorem & præemig-
nentiam reliquarum imaginis divinæ
pro illarum sufficientia extra statum na-
turæ restitutæ, afferuntur, ea non indu-
cunt absolutam necessitatem admittend
perfectionem ultimam, & salutarem, vi-
rium naturalium; sed pro amore innatu-
& Philautia virium humanarum erga-
se exaggerantur, & refelluntur per in-
terveniens peccatum Adami, quod præ-
minentiam, quæ fuit, omnem prope pes-
sum dedit; Ut apposite Tertulianus L. da-

Re-

Resurect. Carnis, c. 34. de animæ Humanæ post separationem à corpore permanentia, loquitur. Nobis quibus omnes in præsentis temporis & instituti circumstantiæ, brevitatem imperant, in præfatione, quæ ulterius ad rem faceret, quadornanda, non licet esse prolixioribus. Sipha opella, in compendium quam mitram, quantumcunque citra dispendium fas erit, plenius L. B. mentem nostram, circa gentilium pœnitentiam disputando occupatam, explicabit. Ut autem hæc recte cogitare valeam, supplicationem intelligentium sapientiorum κύρε ελέησον, in formaliter Christiano, naturæ opifici, devote sacrabo.

S. II.

Neminem credo sanæ mentis compositionem, hujus lucis aura qui fruitur, gâncicias ire, propositionem hanc secundi adjecti: DEUS est. Siquidem principia nobiscum nata, tam Theoretica, squam practica, ex quibus deinde conclusiones rite deducuntur, fixam adeo

in natura nostra sedem habent; ut, licet
 gravitas à lapide & humiditas ab aqua.
 in Cartesianorum cerebro videantur
 posse separari, instinctus tamen hicce,
 sive impetus naturalis, minime eludi po-
 test. Ut paucis saltim dicam de triplici
 illa via, qua Scholastici DEUM investi-
 gare solent; via sc. *causalitatis*, per attri-
 buta relativa: ut cum creatorem & gu-
 bernatorem dicimus; *eminentia*, per attri-
 buta absoluta ac positiva: cum DEUM
 vocamus bonum, sapientem, potentem;
 quæ longe excellentiori ratione Divino
 insunt Numinis, quam nobis. Et denique
negationis, per attributa negativa: ut
 cum DEUM dicimus infinitum & im-
 mutabilem. Atque sic neminem reperi-
 re licebit speculatorum, in manifesta ne-
 gatione Divinæ existentiæ, subsistentem
 Atheum innuo Theoreticum, negative
 talem, qui solum lumen naturæ secutus
 serio secum sentiat, non esse DEUM
 quia Apostolus impios etiam invitatos hoc
 sentire, sensumque hunc evitare non
 posse asserit. Rom. i, 20, 21, 22, C. II, 15, 16

sec

seq. Ipsi etiam terminorum Athei & speculativi absurdia compositio hoc ipsū arguit: nam cum quis speculatur, necesse est eum tunc esse, adeoq; negotiatione conceptuum de sua existentia, in summi & independentis entis essentiam, cum non detur progressus in infinitum, potest ascendere. Quod vero stultus aliquando cogitat, non esse DEUM; sic hoc non per ignorantiam *habitualē*, aut *simplicem*; Nulla namq; gens tam immanueta aut fera fuit, quæ omni divinitatis sensu careret, licet cultum ejus verum nesciret; inquit Cic. sed *actualē* & *affectatam*. Impii enim quantum in se est, notitias naturales extinguere cupiunt, cogitantque non esse DEUM, quia lumen eum non esse vellent. Hic scilicet affectus malitiæ, non defectus notitiae. Concedimus tamen & hoc; quod, ob frequentem abusum & suppressionem luminis naturæ, & ob scelera contra naturalem æquitatem commissa, nonnulli justo DEI judicio & desertione adeo indurentur, ut naturalis quoque cognitio

aboleatur; & fiant tales quoad intellectum diabolis ipsis deteriores; quod ex Rom. 1. 21. 22. 23. colligere possumus.

§. III.

Cum vero gentiles, si non universi, at prope universi, egregia pro DEI existentia locarunt testimonia; quia ipsum lumine perspexerint naturæ: quid mirum, si iidem, facile animadverterint, tum ob Divinæ naturæ Excellentiam, tum ob ejus benefacta, nefas fore, si non animum ac cogitationes universas ad DEI cultum referrent. Erroris autem eorum circa objecta, & cultus modi adsignationem; variæ fuere causæ; nam præter instinctum Sathanæ, hominibus inest inscitia; Licet enim ad ea, quæ superius exposui, traditione ac naturæ lumine posset perveniri: non propterea tamen existimandum, gentiles universos in uno & eodem notitiæ cultu conspirasse; contra enim evenit ut longe maxima illorum pars pleraq; ignoraret; non, quasi non veritas iis ob oculos versaretur, sed

sed quia eam sese offerentem non comprehenderent: dumque propterea in varias scinduntur sententias, & cœci sunt cœcorum duces, gravi ruina pariter & se se, & alios involverent. Hæc sententiarum dissimilitudo magnam partem ex animorum diversitate provenit: haue aliter ac in Christiano etiam populo videmus, quos sententiarum similitudo in præcipuis colligavit, in variis tamen capitibus vehementer discrepare. Accedit quoque *inertia laboris inquirendi DEUM*; deinde etiam *præjudicia*. vid. quomodo de his egregie differit, Gerhardus Joh: Vossius de Orig. & Progressu Idololatr. lib. I. cap. iv.

§. IV.

Verum hæc quæ præmissa sunt, licet ad $\gamma\alpha\beta\zeta\eta\lambda\mu$ disputationis nostræ plurimum faciant, non vacat tamen nec conceditur, eadem fusius exponere; præterea etiam disputationes, quotidie tere, de reliquiis imaginis Divinæ, habitæ, dubitantes certiores reddere possunt. Thema itaq;

itaque mihi propositum, jam immedia-
te explicabo. Sed cum fortassis aliquis,
qui primo intuitu titulum inspexerit,
putet, vocem Pœnitentiæ Ecclesiasticis
solummodo usu venire; ex protanis scri-
ptoribus ejusdem nomenclaturam deri-
vabo. descendit Pœnitentia ab imperio-
nali verbo, pœnitere, sic Cic. sapientis est
proprium, nihil, quod pœnitere possit,
facere. Suet: hinc nomen pœnitens de-
ducit. Pœnitentiæ vocem disserte ex-
primit Curtius de Alexandro Magno
lib. 3. c. 2. ubi dicit: *seram subivisse regem*
pœnitentiam. Val: Maximus lib. 3. c. 4.
refert L. Tarquinium Priscum, *præclaris*
virtutibus effecisse, ne civitas Romana pœni-
tentiam ageret, quod regem à finitimis potius
mutuasset, quam de suis legisset. Cavebimus
ramen omnino, ne pro synonymis su-
mamus, resipiscentiam, quæ explicari
solet per redditum ad meliorem & salu-
rarem frugem; quæ pœnitentiæ acceptio
contritionem, fidem, & novam obedientiam, in-
cludit. Nobis pœnitere tantum sit ac-
pigere, pudere, dolere affici. Cum enim
indi-

individua comes sceleris pœna sit, & nullus adhuc inventus est, qui impune peccaverit, instruit igitur pœnitentia, ut quisque post commissum facinus, in seipsum exasperetur, & præcedentis virtutæ horrore incunctanter errata corrigeret statuat, & lapsa emendare. Per Ethnicos seu gentiles hic non intellectos volo, eos, qui inter se eodem nomine sunt; ab ingenuis oriundi: quorum majorum nemo servitutem servivit: quique capite non sunt diminuti. Ut Cic. c. 6. Topic. gentiles definit. Neq; præadamitas, quæ supposita à nonnullis hypothesis, falsissima. Sed ut scriptores Ecclesiastici, Ethnici vocem explicarunt; quibus alias etiam, *pagani*, Ethnici dicti. Immo horum innuo pœnitentiam, qui lumen naturæ secuti, non exclusa generali traditione, portionem reliqtæ imaginis Divinæ, non suffocant; sed eandem excolare summo nisu incumbunt; sive hi ante, sive post exortam religionem Christianam vixerint, vel sint vieti.

§. V.

Pœnitentia vero quæ culpam supponit,
 & quæ reos conscientiæ stimulis ex-
 agitat, eos admonet, ut de præteritis do-
 leant, & grave illud onus, quo premun-
 tur, discutiant. Quippe sicuti nihil bo-
 na conscientia jucundius, aut tutius est;
 adeo ut *juxta Horatium L. Ep. I.* *Nil con-*
scire sibi, nulla pallescere culpa; hic murus abe-
neus esto; ita nulla fera adeo mordax, nul-
 la flamma ardenter, quæ ita corpus la-
 ceret, aut cruciet, quam inordinatus
 animus se laniat, dum in scelera proruit;
 uritur enim quisquis delinquit, & pec-
 cato suo miser fit, quamvis eum dolores
 non consequerentur. *Subjectum denomi-*
nationis seu quod, talis pœnitentiæ, §. im-
 mediate præcedanea; indicabat. Sc. esse
 hoc, *Ethnicum* quemvis, sive hominem
 extra motum ad regenerationem consti-
 tutum. *Subjectum vero quo;* anima, ejus-
 que facultates, tam rationales, quam
 sensitivæ, sunt. Duplex enim in homine
 post lapsum orta est pugna; Una natu-
 ralis,

ralis, etiam ante renovationem, in non
 renatis, ex labo naturali, à qua omnis
 in homine post lapsum ~~atq[ue]~~ promanat,
 ortum trahens. Instinctu namque rude-
 rum imaginis divinæ in intellectu rema-
 nentium, ratio verum bonum morale
 pro malo eligendum esse suadet; appe-
 titus autem per peccatum misere de-
 pravatus rationi obedire recusat, & in
 quodvis delectabile secundum suum pla-
 citum, fertur. Altera pugna spiritualis
 est inter carnem & spiritum; de qua
 Theologi. unde sequitur; quod eadem il-
 læ facultates, quæ ad peccatum solicita-
 vere, illæ etiam, stimulante conscientia,
 sensu doloris tangantur. Actio quoque
 Ethica non solum exteriora, sed & præ-
 cipue interiora respicit: dicit e. gentili-
 um Magister Cic. Orat. pro Sylla: ita vi-
 vere regium esse, ut non modo homini nemi-
 ni, sed nec cupiditati inserviat ulli. Et omni-
 no hæc vere docentur, infit Rudrauff.
 Institut. Moral. p. 107. nam actio Ethica
 talis est, quæ possessorum suum facit bo-
 num & beatum, sed beatus nemo est,

qui *externē* saltim seſe ad præſcriptum
legis componit, non occidendo, non
furando, non ſcortando &c. *interne* vero
cruciatur affectuum intemperie, libidi-
nis æſtu, illicitarumque voluptatum im-
petu. E. beatitudo, quæ tranquilitatem
animi parit, non conſiftit cum illo inte-
riori cruciatu.

§. VI.

Materia circa quam occupata eſt hæc
gentilium Pœnitentia; ſeu objectum,
ſunt vitia, cum lumine & honeſtate na-
turali pugnantia; utpote determinatio
genericæ irreverentiæ ad hanc vel illam
ſpeciem blaſphemiarum erga ſanctitatem,
juſtitiam, aliasque ſpecificas DEI aetio-
nes vel Idiomata. motus itemque animi
malevoli executio, quâ proximus, cui
officium præſtare debuimus, Iæſus eſt
a quo objecto excludimus primos mo-
tus concupiſcentiarum, quorū illientia ſive
noxa, gentilibus plane fuerit incognita:
adſerente id Ap. Rom. vii. 7. ubi dicit:
ιπθυμίαν ἐν ἡδειν, εἰ μὴ ὁ νόμος ἔλεγεν οὐ

impius. Per legem intelligit, hic præcisè non naturalem, sed moralem; quæ licet in naturali fundata sit, non tamen objectum pœnitentiæ naturalis esse potest; siquidem illa ut proxima *χεραγωγία* ad supernaturale bonum consequendum spectanda est; immo etiam sub conditio-
ne perfectæ obedientiæ, bonum illud offert. Hic jam animadvertere possumus quam falsissima sit hypothesis, Joh: Szydlovii, & Samuelis Retorfortii; cum quibus inflare tibiam videtur Hobbesius, ni dextre explicetur. Dicunt priores illi, normam bonitatis & malitiæ actuum tam divinorum quam humanorum, sim-
pliciter æstimandam esse, à *facto DEI* &
à *jure DEI positivo*, usque adeo, ut nihil peccati rationem habeat, nisi ex solo DEI præcepto vel interdicto positivo;
putant enim voluntatem DEI dare formam malitiæ & bonitati actionum, ut
aliquid culpabile vel laudabile dicatur: sa-
ne, dum Joh: Szydl: impium commen-
tum, in Vind. quæst. diffic. & controv.
Francof:ed. A. 1643. c. 9. legimus; sicut com-a-

mens horret; ita enim quæstionem instituit: an DEUS possit præcipere contrarium, ut omnibus præceptis decalogi, ita potissimum primo, secundo & tertio? ad hæc ait: Fateor & ipse, quod ad communem dicendi consuetudinem, crudum nimis hoc videri: DEUM posse blasphemiam, perjurium, mendacium imperare; item posse jubere ne colatur, ametur, honoretur &c. quod tamen verissimum est in se, & ex quæstione nostra generali, hoc speciali necessario sequitur, nec potest negari nisi multorum absurdorum admissione. En fronte carrens in DEUM blasphemia & impietas! DEI beneplacitum, non etiam normam juris & æquitatis nobiscum congenitam esse regulam omnis bonitatis & malitiæ in creaturis. Ratio autem suæ assertio-
 nis, quam adfert in Cit. quæst. c. 8. scil. quia nullus datur conceptus boni aut mali ante DEUM aut DEI voluntatem; ineptissima est: non sequitur enim; ergo sola voluntas DEI, quatenus à nobis sentitur & intelligitur, est regula sive norma bonitatis & malitiæ. Ponamus enim dæmones ab initio malos creatos esse;

non

non sequeretur tamen ideo malos fuisse, quod DEI beneplacitum det formam bonitati & malitia, sed malos fuisse, quia ab essentiali DEI rectitudine discordant: sufficit enim quod igniculi illi sive reliquiae honesti & turpis in homine, sint pars imaginis Divinæ, cujus sanctitas & rectitudo, DEI, utique coæterna & essentialis est; unde sequitur, etiam discrimen honesti & turpis DEO coæternum & essentiale esse, neque requiri ut id, quod norma boni & mali futurum est, concipiatur, exitisse ante DEUM; sed suffice, si concipiatur coëxtitisse cum DEO, sub diversitate illa, quæ hodieque inter bonum & malum, honestum & turpe manet. pluribus vid. prosequentem hæc D. Danhaw. Hodom: p. 106. D. Calov. T. 5. p. 32. seq. Confer. Excell. Pufendorf. de Jure Nat. & Gent: p. 183. §. 4.

§. VII.

Am itaque in causam efficientem humi jusce pœnitentiæ inquirere, ratio ordinis nos jubet. Universalem itaque & pri-

primam caulam, si dicimus esse principium illud sine principio, vix credo nos aliquem dura sententia inlectaturos; licet & adderemus, concursum DEI in hocce casu, non tantum habere se *obje-*
tive, per propositionem & suasionem; nec solum *Efficienter* per commotionem voluntatis ad eligendum vel repudian-
dum; neque modo concursus communis quomodo concurrit ad generationem animalium: sed modo *speciali* & intento ad hominis Ethnici conversionem; que madmodum DEUS hac ratione concur-
rere dicitur ad *moraliter bona*, etsi agen-
tibus fiant nullo nexu, nulloque fine ab
homine intenta ad bonum supernaturale
consequendum. Testem hujus rei omni
exceptione majorem habemus sacram
paginam. Exempl: Cyri El. 45. v. 1. sed
obstet. Ægypt. Exod. 1. 17. adde & Joh
15. 5. sequestramus tamen hic & Theo-
logorum disquisitioni relinquimus con-
cursum seu causalitatem DEI *singularem*
quo concurrit ad actus spiritualiter bo-
nos reatorum & in gratiam adoptionis
reca

recepitorum. Proxime autem Dolorem
hunc de peccato, atque displicantiam
turpitudinis in homine Ethnico, efficit,
congenita ipsi notitia, de discretione honesti &
cupidis; Et de justitia DEI vindicativa. Quod
prius utique nemo negaverit. Si enim
gentes μὴ νόμου ἔχοντα φύσει τὰς νόμους ποιῶν,
οὐδὲ νόμου μὴ ἔχοντες, εἰσιν εἰς νόμος. οὐκέτι
ἰεράνευρον τὸ ἐργον τὰς νόμους γεγαπέντεν τοῖς
καρδίαις αὐτῶν; Rom. II. v. 14. 15. sequitur
stimulum addere pœnitentibus, hanc
naturæ legem. Nec leve pondus addit;
quod etiam, qui nullo teste peccant, à
propria redarguantur conscientia: de
qua nemo potest ignorare, quam ampla
sit testimoniorum seges apud poëtas,
Oratores, Historicos, Philosophos, &
cateros gentium scriptores. Nec diffi-
cile est semper esse inventos, quorum ani-
mus consuetudine peccandi, quasi callo-
sus obductus, sic ut nullum viderentur
habere DEI, vel legis naturæ sensum. Sed
tales, dicente Excell: D. Gerhard. Vossio
in Theolog. Gent. p. 13. cum res fluente
adverso, eorum instar qui à profundo somno

expurgescuntur, vel ab ebrietate ad se redeun-
t cogitare de DEO, ejusque judicium extimesce-
re, incipiunt. Duxi legem naturæ, atque in-
de Συντήρησιν immediate cauare stimu-
lum hunc, de quo loquimur, apud Eth-
nices; Per legem vero naturæ intelligo
nihil aliud quam prima illa principia
præctica, nobiscum nata, quibus quam-
primum terminos eorundem intelligi-
mus, sine ulteriori inquisitione assenti-
mur; per Συντήρησιν autem habitum prin-
cipiorum præticorum nobiscum nato-
rum. vid Rudrauff. Eth. p. 35. Nam quan-
do prima prin: sæpius à nobis agitantur
excentur, & applicantur, sic ut illis
expeditius assentiamur, neque amplius
in dubium vocemus; quæ ipsa perfectio
ab Aristotele, intellectus, sive mens voca-
tur. Alias Συντήρησις, nonnullis est: Natu-
ralis illa reluctatio & reclamantia homi-
nis conscientiæ, etiam irregeniti, adver-
sus vitia cum lumine & honestate natu-
rali pugnantia. Jam itaque, si jus natu-
ræ dicamus quoque normam esse ex-
aminandorum peccatorum, contra le-
gem

gem naturæ currentium, minime credo
nos falsos esse, vel fallere. jus enim
naturæ est velut *ix-umua* aliquod sancti-
tatis & Justitiæ DEI Essentialis; in qui-
bus illud etiam fundatur; unde ipsius
legis nat. immutabilitas provenit. Li-
cer & concedamus supremo omnium
Domino longe eminentius jus esse in
suas creaturas, quam homini in homi-
nem, natura sibi æqualem. vid. S. Pu-
fendorf. de J. N. & G. L. 2. p. 186. & 187.
Unde judicare possumus quid dicendum
sit, de dispensatione Divina circa jus
naturæ; Quando enim homo per ex-
pressum DEI mandatum exequitur jus
DEI in homines, tanquam nudum ipsi-
us instrumentum, tum non proprie di-
ci potest, fieri dispensationem circa le-
gem naturæ. vid. Grot. I. L. c. I. §. cita-
tus à modo laudato S. Pufendorf. *Justi-
tia quoque DEI vindicativa*, dicebamus
supra, Ethnicos adigi ad pœnitentiam;
Una equidem in DEO est justitia, eaque
ab Essentia sua minime realiter diversa;
propter diversa autem connotata, & di-

versos actus, est, vel remuneratoria, vel vindicativa, quoad nostrum concipiendi modum ita distincta. vid. Hebenstrit. Phil. prim. p. 1099. & hac vindicativa sua justitia, DEUS peccata necessario & naturaliter punit; quia non tantum pleno regimine & puniendi jure pollet, animadvertisendi in peccata, adversus quæ naturale & necessarium odium habet; sed etiam sanctitas & Majestas, quæ DEO necessario & essentialiter convenit, nequaquam fert, ut mandata DEI impune violentur. Quod nobis contra Socinianos, & Arminianos, stricte observandum venit; adstruentes: DEO ineptissimum immo & indignissimum esse; dicere justitiam DEI, vindicatricem sic esse DEO Essentialiem, ut DEI vi ejus, obligetur & necessiter ad puniendum peccata. conf. Catech. Racov. p. 266. & Apolog. ad censur. profess. III. Fatemur tamen cum Excell. S. Pufendorf. de J. N. & G. l. 2. p. 186. Regulas, quas vindicativa DEI justitia observat, supra nostrum esse captum; eandemque non usq; quaque vestigia fori humani premere.

§. VIII.

Perfunctis sic qua fieri potuit brevitate
commentationibus circa efficien-
tem causam, incumbit nobis *formalem*
rationem, hujuscē pœnitentiæ Ethnico-
rum ostendere; Hanc, si juxta sanam Se-
necæ mentem, L.3. de ira DEI (quem fide
B. D. Hulsi. Theologorum facile princi-
pis, cito) posuero, in *Dolore de peccato,*
displacentia turpitudinis, proposito abstinendi,
seu ob metum pœnae, ignominia publicæ, tur-
bandæ quietis interioris animi, seu intuitu
glorie apud alios parande, & fine devitandi
morsus conscientie; vix credo aliquem me
posse expostulare injuriæ. Volvat modo
quis mente tranquilla & composita, fa-
cinora Neronis, Christiano-mastiges;
itemque tertiaræ Monarchiæ statoris, sc.
Alex. Magni; dum turibundus Clytum
interemisset; & videbit quæ ipsorum fa-
cinora insecura sit pœnitentia. Taceam
jam, ferias imperante & chartæ & tem-
poris angustia, luctuosas malorum pa-
tratorum nenia, in pœnitentiæ signum

prolatas, quibus pleni sunt omnes Ethni-
 corum libri, præsertim tragici; plena
 exemplorum veritas; Tam manifestas
 lauiciæ conscientiæ stricturas apud illos
 notare licet, ut minime injurii in aliquæ
 videamur, si luctam hanc suam, qualem-
 cunque contritionem vocemus; relicto
 tamen simili Ecclesiastico vocabulo, suo
 valore & proprio significata. Oppi-
 do congruum nobis jam hic est, ru-
 minare quæstionem, de qua moralistas
 inter & Theologos ingentes sunt divi-
 diæ. sc. An talis Ethnicorum pænitentia, ut
 & reliqua ipsorum bona opera placeant DEO,
 vel vere bona sint? Hic circumspete ince-
 dere nos oportet, ne pedes ponamus
 vel in eorum vestigiis qui in excessu pec-
 cant, vel eos sequamur, qui virtutes
 Ethnicorum sine discrimine damnant;
 Dicimus: Ethnicorum opera, quæ amo-
 re honestatis, & secundum rectam ra-
 tionem vivendi suscipiuntur, & fiunt, in-
 trinsece non sunt bona, et si comparative
 ad alia, ejusdem farinæ hominū perver-
 sa opera, sint minus mala & non turpia;
 quod

quod dicit August: L. 4. cont. Jul. c. 3.
 & 4. Nam, si quicquid non ex fide est,
 pro peccato reparetur, Rom: 14. v. ult.
 & sine fide impossibile sit placere DEO.
 Ebr. xi. v. 6. sequitur, quod opera illa
 quæ ante fiduciam in Christum, &
 acceptam remissionem peccatorum, in
 irregenitis sunt, non censeri nomine
 bonorum operum, requisitorum ad sa-
 lutare bonum consequendum; referun-
 tur tamen inter opera legis externa, &
 ratione *essentia*, sive per se accepta, bona
 sunt; quia conformes aliquadantenus le-
 gi naturali; & certa ratione DEUM ha-
 bent authorem. Quidam distingunt
 inter bonitatem *legalem* & *Evangelicam*.
 Illam dicunt, quæ quoad substantiam facti
 & motus interni, conformis est legi Di-
 vinæ, abstrahendo principiuin motus, an
 sit supernaturale, vel naturale, abstrahen-
 do etiam finem motus, an dirigatur im-
 mediate ad DEI gloriam, an vero me-
 diate in fines alios: *Evangelicam* vocant
 bonitatem, quæ ex fide in Christum pro-
 manat, & ab inhabitante gratia Spiritus
 San-

Sancti, tanquam causa efficiente principali producitur, ac denique directe, in gloriam & honorem DEI fit. Quicquid sit; minime tutum videtur dicere horum, Ethn. puta, pœnitentiam, & bona opera, Deo placere Evangelice, forte nec legatiter, stricte loquendo; quia causæ efficienes & finales in actibus hisce moralibus, ex instituto DEI talibus, non ingrediuntur essentiam bonitatis. Paraftatas hujus adsertionis habemus multos & magnos Theologos; Præsertim aquilam Theologorum D. B. Hulsi. in V. S.S. p. 89, 580. & 584. Absurdum autem quod Julianus, dum pro bonitate operum Etheniorum pugnat, objectabat; sc. Operae gentilium, si ideo non essent bona, quia fide carent, etiam sequi corpora gentilium non esse corpora, quia fide carent item, si castitas gentilium ideo non est castitas, quia non ex fide fit; etiam frumenta gentilium non esse frumenta, quia non ex fide nascuntur; Absurdum inquam hoc, Augustinus lib. 4. contra ipsum c. 3. & 4. ita diluit: Norma disseren-

nendi opus ab opere, valde discrepat à norma discernendi corpus à corpore, frumentum à frumento: norma e. qua discernenda est castitas Portuni, Numæ & Aristidis, à castitate Josephi aut Timothei, non est sensus naturalis, qui discernit corpus à corpore, sed lex DEI, quæ dat definitionem & differentiam veræ castitatis, à castitate analoga. Tonus iam discursus de instituta hac quæstione, nuc redit: sive pœnitentiam, sive alia Ethnicorum bona opera, non generare bonitatem univoce dictam, procedentem ex dilectione DEI, & proximi, & quidem ex toto corde, & ex tota anima, quod etiam naturæ lex postulare videtur; Neque generatur ex fide, suppletæ per aliud hujus perfectionis; igitur, tui diximus supra, ubi de bonitate & malitia actionum Heroicarum in Ethnicis dispu-tamus, utpote Scipionis, Catonis, Regorū, aliorumque laudabilia facta; dicendum illa bona esse comparative, ad Marii, Syllæ, Caligulæ, Neronis, aliquumque pejora facinora.

§. IX.

Brevissime jam in §. hac ultima dicendum est; finem hujusce pœnit. Ethnæ esse, ut inquirant, in veriore & perfectiore cultum DEI, atq; si proterve conscientiæ stimuli non conculcentur, aut negligantur, credendum est, à DEO deduci in actū inquisitionis; primo notitiæ consolæ universalis famæ seu traditionis de Christo; deinde in specialē quoq; notitiam. Et est sic pœnitentia hæc quædam quasi manuductio ad salutare bonum inquirendū. Hinc etiam agnoscere potest homo imperfectionem suæ conditionis; Accedit quoq; convictio conscientiæ, de justitia DEI vindicativa, ut patet Rom. i. 20. 32. Profuit ultra hinc accidentarius finis, ex abusu & suffocatione stimulorum conscientiæ; ἀναπλόγησις videlicet. Ubi notandum, circa veteris instrumentitempora, nonnullos ignorantia notificatio- nis mysteriorum de Christo, (quæ notitia est scopus ad quem deduci debeat lumen naturæ) feso excusare potuisse; hodie autem nulli; quod Excell: D. D. B.

Hul.

Hussem. in V. S. S. & Prælect. Form: con. Art.
 7. Sec. III. p. m. 416. Ex dictis Act. XVII, 30. &
 Luc. XXII. v. 47. ostendit. Sed dissertationem
 nostram circa hanc Thesin sufflaminat Theolo-
 gorum perspicacia, in quorum messem non no-
 bis licitum erit falcam nostram immittere. Cum-
 que in eo sim rerum articulo jam constitutus,
 ut, nec otium nec facultas mihi concedatur,
 longiores & magis subactas ducere lineas. Sistam
 itaque calamum. Dummodo pro salute REGIS
 Nostri CLEMENTISSIMI, & dudum afflita
 patria nostra dulcissima, pœnitenti corde, ro-
 gaverim: Velit Princeps pacis, mentes infe-
 stantium nos, hactenus impotenti temeritatis
 incusu transversas, sic flectere, ut tandem il-
 las, temeritatis suæ, immo & credulitatis, seria
 fubeat pœnitentia. Sic eveniret ut conscientiae
 illorum, reprehensionis morsu, cùm alias subse-
 quuturo, fierent vacuae, & laudis quæstu opulen-
 tissimæ. Quos effectus quemadmodū in Rege No-
 stro Augustissimo simulac piissimo recognosci-
 mus; proporro flagitamus contriti, ut diutinum
 hoc bellum, pace cito comutetur, quo REGEM
 Nostrum CLEMENTISS: tranquillo rerum ha-
 bitu in solio suo triumphantem, hilari aspectu,
 ideamus. Tunc e. Exultabimus in salute Dei no-
 stri; cum impleverit JEHOVAH omnes petitio-
 nes nostras. Hic finis esto. Sine fine vero,
ALTISSIMO JEHOVAH LAUDES HYMNOSEQUA
NUNCUPABO!

Ad

Eximium solideq; eruditionis laude conspicuum;
Philosophiae Candidatum, Patriotam
& Amicum sincere dilectum.

DN. ANDREAM LUSCINIUM,
pro Gradu Magisterii, ingeniole
disputantem.

Non dulcem secuit Tereus linguam violenta
Cuspide Lusciniae, voce carere jubens
Illam? ast hanc celsi voluit Moderator Olympi
Psallere & argutis vertere verba sonis.
Sic fuerant forsant tibi pressaq; guttura quondam
Candide LUSCINI, temporibus teneris?
Praterierunt hæc. jam latus verberat aures,
Clamor, nam leto nunc mihi sat resonant;
Pieridum Montes ac alta Cacuminæ Pindi,
Omnia quæ lingua & saviter arte potes.
Sed quod adest cum jam meditor quid plurima
dicam?

Doctrinam & monstrant Lucida scripta tua.
Asonidum Cetus nunc præmia justa laborum
Ponant! & lauro verticis ima tegant!!

Hæc, vena quidem tenui, animo vero
prolixiori gratulabundus scripsit.

SAMUEL FORSENIUS J. E.
Nyland: